



Broj: 15-03-16-5-4-24/21
Datum: 29.3.2021. godine

Na osnovu člana 61. Zakona o upravi („Službeni glasnik BiH“, br. 32/02, 102/19 i 72/17), člana 70. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08) direktor Agencije za identifikaciona dokumenta, evidenciju i razmjenu podataka Bosne i Hercegovine donosi:

O D L U K U o izboru najpovoljnijeg ponuđača

Član 1.

Najpovoljniji ponuđač u postupku javne nabavke **usluga hotelskog smještaja za službena putovanja u zemlji - u Sarajevo**, koji je proveden u skladu sa postupkom dodjele ugovora o nabavci usluga iz Aneksa II Dio B Zakona o javnim nabavkama je **AHMETSPAHIĆ PETROL d.o.o. Sarajevo – Podružnica „APARTHOTEL CENTAR“ Sarajevo**.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja, te se istovremeno na Portalu javnih nabavki objavljuje dobrovoljno *ex ante* obavještenje o transparentnosti.

Član 3.

Ugovor sa najpovoljnijim ponuđačem se potpisuje kada protekne rok od 15 dana od dana objave dobrovoljnog *ex ante* obavještenja o transparentnosti.

Član 4.

Ova odluka stupa na snagu danom donošenja.

O b r a z l o ž e n j e

Na osnovu provedenog postupka nabavke usluga hotelskog smještaja za službena putovanja u zemlji – u Sarajevo, u skladu sa postupkom dodjele ugovora o nabavci usluga iz Aneksa II Dio B Zakona o javnim nabavkama, konstatovano je da je rok za dostavljanje ponuda 23.3.2021. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle dvije (2) ponude i to ponuđača: EUROPA d.o.o. Sarajevo – P.J. HOTEL HOLIDAY Sarajevo i AHMETSPAHIĆ PETROL d.o.o. Sarajevo – Podružnica „APARTHOTEL CENTAR“ Sarajevo. Neblagovremenih ponuda nije bilo.



Prema objavljenom pozivu za dostavljanje ponuda u postupku dodjele ugovora o nabavci usluga iz Aneksa II Dio B Zakona o javnim nabavkama za nabavku usluga hotelskog smještaja za službena putovanja u zemlji - u Sarajevo, broj: 15-03-16-5-4-4/21 od 22.2.2021. godine, konstatovano je da su ponude oba ponuđača kvalifikovane.

Prilikom pregleda ponude AHMETSPAHIĆ PETROL d.o.o. Sarajevo - Podružnice Aparthotel Centar Sarajevo utvrđena je računska greška, odnosno da u Aneksu 2 – obrascu za cijenu ponude iznos PDV-a nije tačan, odnosno da je pod stavkom IZNOS PDV-a naveden iznos od 5.801,00 KM umjesto iznosa 5.801,25 KM, što je povuklo i grešku u stavci UKUPNA CIJENA sa PDV-om, boravišnom taksom, osiguranjem gosta i popustom gdje je naveden iznos od 40.926,00 KM umjesto iznosa 40.926,25 KM. U skladu sa navedenim upućen je zahtjev ovom ponuđaču dana 24.3.2021. godine da izvrši ispravku računске greške, a koji je istu prihvatio dana 25.3.2021.godine.

Takodje, u ponudi ponuđača EUROPA d.o.o. Sarajevo Hotel Holiday je utvrđena je računska greška, odnosno da u Aneksu 2 – obrascu za cijenu ponude iznos pod stavkom UKUPNA CIJENA bez uračunatog PDV-a sa popustom nije tačan. Naveden je iznos 38.461,54 KM umjesto iznosa 38.460,00 KM, te je dalje utvrđena greška i kod stavke IZNOS PDV-a gdje je naveden iznos od 6.538,46 KM umjesto iznosa 6.538,20 KM, što je povuklo i grešku u stavci UKUPNA CIJENA SA PDV-om, boravišnom taksom, osiguranjem gosta i popustom gdje je naveden iznos od 46.250,00 KM umjesto iznosa 46.248,20 KM. U skladu sa navedenim Agencija je uputila zahtjev ovom ponuđaču dana 24.3.2021. godine da izvrši ispravku računске greške, a koji je istu prihvatio dana 25.3.2021. godine.

Nakon analize ponuda, a u skladu sa kriterijumom za dodjelu ugovora – najniža cijena, ocijenjeno je da je najpovoljnija ponuda ponuđača usluga hotelskog smještaja za službena putovanja u zemlji - u Sarajevo **sa ukupnom cijenom od 35.125,00 KM bez PDV-a sa popustom, boravišnom taksom i osiguranjem gosta, odnosno 40.926,25 KM sa uračunatim PDV-om, boravišnom taksom, osiguranjem gosta i popustom.**

Na osnovu navedenog odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana objave dobrovoljnog *ex ante* obavještenja o transparentnosti. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom, u rokovima propisanim Zakonom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR
Dr. sc. Arif Nanić

Signed by: ANANIC / digitalno potpisano / digitally signed